


法華三行

土岐文庫
文庫17
W68
10



10

15

20

文庫 17
W 68
10

010185194081

昭和六十年二月一日
寄


欽定國朝詩別裁集卷十九

禮部尚書臣沈德潛纂評

汪士鋐字文升江南吳縣人康熙丁丑會元官右春坊中允著有秋泉

陳滄洲太守出瘞鶴銘於江中以搨本見示作歌記之

焦山山崖瘞鶴銘雷擊墜江江冥冥一旦水底出至寶神物煥耀含精靈此碑書家



最珍惜欲揭恐犯蛟龍腥致令贗本遍天下刻畫媿毋誇媿媿或傳此是右軍跡逸少二字疑足徵或云宏書或顧况未觀真跡憑圖經滄洲使君好古士搜奇快怪心無寧揭來江邊問遺碣太息墨寶存空亭時當窮冬江水涸巉巖洗刮平沙汀或側或仆露奇字磊落散布如天屏命工巽石置江岸殘筆剝畫稀畱形重依舊石定有

位安排字跡還儀型屹如陰崖立華屋恍然峭壁開新硯字體寬綽近古隸鋒稜雖利光晶熒睇視山中宰相筆齊梁風格我所憑何年埋沒忽露洩水府倏忽仍邱陵吾吳太守素神異驅使直可到六下狼貪虎噬且弗避磨斥水恠如蟻蚋世間寶物久必斷雲日肯被煙塵賤扶頤固待巨人手此舉便已喧騰遠道寄我喜創見後

今摹畫希精能此石此銘不再得毋使日
夜椎搗無留停

插秧圖

車軋軋水活活誰家田翁勤種田插秧田
中量踈密呼童課僕運秧馬俯首泥行股
無駭今日車水滿明日祝秧活不知何日
秀且頽樂場刈禾賦程秬大兒讀書如養
苗勿忘勿助不敢擻小兒讀書心孔開惟

恐鹵莽與滅裂主人有田復有兒書味酒

香滿一室呼童留客和田歌田家之樂樂

如何鳥田家樂事令人神往但恐兒
子讀書不免漸失真朴奈何

徐發字袁侯江南長洲人康熙
丁丑進士官戶部主事

早春

新月如鈎挂碧空六街遊眺與無窮隔牆
歌管娛殘夜出窖名花媚好風球惜飛鳴
憐病竊消除矜躁仗枯桐去盡替招取同心

同月詩以...

友把酒應多酌次公出舊花所謂唐花也
三春花一時並開夏

季花別
不能矣

春分日和韻

一半春光付柳條。可憐天氣是今朝。尋芳
每踏蒼苔路。夢別重經紅板橋。零落梅花
人共老。淒其燈火酒全消。遙知鄉國清明
近。水漲橫塘隱畫橈。

陳 萇字玉文江南吳江人康熙丁丑
進士官桐廬知縣著有馬川詩

藁亦清如鏡淨如拭意味稍薄而真
氣獨存實於飽飪為博纖佻為工者
臨終詩二首留別諸同志辛卯中秋
後二日

兩曜無符機委運固其理。修短良不齊。誰
復能逃此。俗士戀其生。涕泣對妻子。達士
輕其生。為蟻均一視。二者皆棄天。有識所
深鄙。君子則不然。奉之以終始。生有所以
生。死有所以死。吾聞諸曾子。至死而後已。

俗士貪生人知其非老莊達生共推為
高矣此見兩者均非一歸於存順及寧

纔是吾
儒正學

我有同心人。道義相友師。頃年喪逝多。存
者復別離。即今將去客。欲別無由辭。丈夫
會有志。豈為兒女私。所恨在世日。孤負箴
與規。臨風一長歎。願為諸君期。百里半。九
十。一。實功莫。斷鑿成。不在遠。請君視。此詩
前章自矢。此章規友。見一息尚存。不可
忘臨深履薄之功也。說理不腐。况得於
臨終時足。彭平
日敬身之功。

發南陵

一路寒泉送客程。離亭回首隔山城。秋後
黃葉聲中。老人向青。山缺處。行幾片。聞雲
伏畫本。一林落日待詩成。來時記得留題
處。尚有殘尊慰客情。

挽姜西真

晚入承朋數未奇。那知鑄錯不堪追。文章
舊價欣方慰。辛苦初心悔已遲。遺恨一時

頭腹尾空傳三絕畫詩生芻一束無從
信獨向西風淚暗垂。

夢中

東流無復水重回欲斷危腸暗自橫見燕
引雛還隨淚聽鴉呼婦不勝哀春風隴上
新寒食夜雨棠前舊鎖臺子母重泉相見
否夢中還望寄聲來先賦悼亡後痛喪勇
增仇儂窮
續之重

讀相如傳

移病文園臥歲餘同時真恨失相如所患
枉遺求遺藁不記當年諫獵書相如可重
一書詞賦其末也作
者不書埋及古人

山行

山行風暖落花輕雨過田間野水鳴自笑
微官如布穀年年三月勸春耕。

宋聚業字嘉升江南長洲人康熙丁丑
進士官吏部文選司郎中著有

南園詩集

宿沅江驛樓時秋分及

沅水三更月。燕山萬里雲。夢隨天共遠。人與序俱分。風景殊蠻落。音書斷馬羣。可堪秋節半。蘭畹正清芬。

題南陽旅壁

真人白水生。文赫名士青。山臥武侯侯。水自奔騰趨漢口。山猶層疊枕城頭。時來一久。

收銅馬事。去經年。運水牛。歎息興亡千載上。荒村野廟。摠悠悠。

三四承山水言之五又承文赫武侯字

之格律一新

同呂侍御元素過新鄭侍御有妹隨

塔在官舍兄弟五人天各一方感

而賦此

憐余兄弟各西東。一處離情五處同。音問久疎西樹外。笑言豈接夢魂中。根浮春水

漂萍葉影亂秋風。叫雁鴻。今日停驂新鄭。道羨君兄妹樂融。融通首皆感弟兄分散

於結處一點作法甚變

鄂爾泰

字毅庵奉天人康熙己卯舉人官至大學士謚文端。文端開藩吳中以古學造士今南邦黎獻集彬彬如也掌翰院時亦以立品著聲後進生平不欲以詩自鳴而意格自高銘治騷選者轉未能或先

聽妻客彈琴

初春多佳日。旭影照高林。曉煙歛木末。曉

意浮衣襟。檐前有嘉樹。枝上有鳴禽。道人

太古上。幽旨寄瑤琴。元聲隨指下。和氣散

輕陰無煩。泛瀛海已見成連心。聽者各有

得豈必求知音

贈万望溪

六經治世非土直。相期津逮闕垠涯。挾經

之心不易得。詞林文苑徒紛繁。博物但解

辨麤鼠搜神。或詔名駒牙心井。促塞航斷

國朝詩集卷之六
六
港銀海掉眩生狂花。此曹正坐讀書誤遺
棄根本。搜枿芽。桐城望溪我老友。學崇中
正防奇。衰說經鏗鏗。究終始。尤於三禮咀
其華。曲臺增刪繁就簡。正義恭訂蓬扶麻
群書穿穴尋聖奧。下簾每聽鼓三擲。方今
重輪 陛下聖。五緯順序耀帝車。致君堯
舜誠有術。詐身稷契非。矜誇天地人祀各
適職。往詣秩宗 帝女嘉惟寅。惟清恭朝

夕。 詔兼書局窮羅。吾長雋聞苦荒落。
妾冀邃密商量加。問送一難輒許可瓊瑤
乃報技木瓜。姚姒上溯下閩洛。青鏡恐蝕
妖蝦蟆。豈邀名譽嗣聖德。寧望荒遠登羗
媪。所貴經學。適時用。暝坐曠若翻金鴉。委
蚶退食時過我。劇談恒滄頭網茶。偷閒依
然兩學士。相視一笑無喧譁。張蒼伏勝暨
轅固。經儒往往臻者遐。 朝廷會行乞言

禮洗爵君且斟流霞。望溪說經簡而該當詩中稱揚無溢分語

軒昂磊落音節極高

昭陵石馬歌恭和 御製元韻

行天維龍御飛霞。行地維馬周天涯。開張
卓立須駕馭。豈獨巡遊西海騰渥窪。千金
市駿世希有。美名徒挂消人口。自來房驥
無虛生。六轡乘時應乾九。聖朝故運戰
與農秉耒調馬轡。雕弓。文皇雙馬特超

絕。駒駘駉駉堪齊蹤。艱難馬上得天恩。
洽重熙集純嘏。叶至今。斷石傍。昭陵始
信人間有神馬。雲臺烟閣銘功宗。策勛此
馬將毋同。在天之靈憑陟降。嘶隨列執
追豐隆。吾皇鼓車方記里。萬仞塞垣銷
壁壘。金鼉長見鞏如山。石馬何由汗如水。
留部展禮朝。翰屏鸞旗照影遼。河清待
歡樂。庶歌天馬。你看馬負圖出龍祥徵太

宗文皇有神馬二皆乘之波敵建功者
後斷石像於昭陵 御製作歌文端
和敬

恭和 御製永定河元韻

無定河名古。南流自北京。恍疑天上落。不
肯地中行。無事智方大。窮源委可并。萬謨
原可繼。永永慶功成。
不肯地中行故各無
定師神禹行所無事
之知以治之則無定者定
矣未句點題通體俱醒

謁楊忠愍公祠

司馬分曹日。批鱗再見時。求仁原自主。得
死更何辭。十罪彈文在。千秋正氣垂。祇今
瞻廟貌。頽懦有餘悲。

九日海天閣

秋氣鬱佳哉。秋鴻歸去來。百年元是客。萬
里獨登臺。黃葉寺前雨。茱萸江上杯。海天
寥濶際。何處是蓬萊。

贈學使中丞法淵若

已教千莫息鋒鉞。輒遍江南衆所瞻。除卻
詩篇何有癖。獨於山水不能廉。瘴烟蠻樹
棠陰在。絳帳春風畫戟兼。今日相逢共尊
酒。形骸脫略兩無嫌。

滇中回宿易隆詩示送行者

踏雪飛鴻任此身。戰戰回首已前因。從知
三萬六千日。半是東西南北人。恨別羣
紛涕泣。造歸一老念尊親。平蠻坊底休

思。記取天涯若比鄰。

三萬六千對東西南北本老杜尋常七十

而變化之彼板對者不能解此

閩中述懷東同事諸君子

寒靜春闈春意深。模糊老眼怯春陰。四千
四百有奇卷。二十二人同此心。屏絕丕休
求正士。別裁萬軌得元音。三條燭燼前塵
夢。坐對奎堂思不禁。
五休哉宋楊億事由乳宋楊劉體
刑出都起滇卻寄吳中王子重吳漪

堂其曉世徐學人諸老友

尺書裁罷又重拈。細字旁添手日緘。此夫
滇陽真萬里。夢魂不易到江南。

經略北軍帛戰歿諸將佐

蟲沙猿鶴總堪哀。持節籌邊樓閣塞上

來。聞道將軍期馬革。幾人真箇裹屍回。

無定河邊猶是春。開麥裏人為將軍
者言之。此為將帥者言之。此可悲也。議
開邊者尚
依而德之

張遠字起然福建人康熙己卯解元

著自無悶室康。超然旅寓當
熟久因塞場發解時其年已老以老
名士終賢於方干身後成名矣詩格
東如棘下駒昔

下建溪諸灘

無諸拓閩疆。山川賈餘霸。亂石鬪雷霆。終
古不可罷。輕帆一鳥疾。碎萍千轉下。前舟
歛然沒。初見各驚詫。須臾出白浪。迴旋去
如射。生命寄柁師。與石爭一罅。在險魂屢

飛過後舌頻咋造物產湖海至此窮變化
若匪眾盤渦崗溪高可瀉仙霞插霄漢天
險此其亞所有縱橫徒一丸每頻借吾聞
天下雄以德不以詐閩中如井底未足供
叱咤安得常治平絃歌出棄石極形諸灘
憑藉而歸於以德不以詐煌煌正論足
以不刊予前觀羅刹江潮迎潮者逆
流而土遠望如舟涉浪中忽然後出三
入三出條達海門矣篇中前舟歎然沒
數語真工於形容

開籠行

秦皇天自連江籠鷓鴣寄曹秋岳

先生先生作開籠行予嗣響焉

鼇江之山削蒼玉鼇江之水浮深綠石榴
花發春茫茫鷓鴣無數啼山麓一聲兩聲
紛如泣落日銜山聲漸急其中有客思江
南怪爾曾云行不得羅入籠中寄遠人不
傷其羽傷其神深林叢草那可問却看燕

雀心酸辛。聰明文采。古所戒生。人生物同。至仁開籠。放入青霄。去還爾悠悠。自在身。

聰明文采。古所戒。向一篇主意。季漢之禍。生唐初之四傑。皆以文采累也。鳩飛冥冥。安得不令人羨慕。

題黃山山人墨竹

結體欲密。勢欲舒。節圓葉老。如草書。吳興已往不可作。此君韻影空扶踈。黃山山人澹於菊。胸有千竿萬竿竹。儵然落筆雷與

雷縱橫。幻誕何奇哉。墨汁三升酒一斗。灑灑晴空風雨來。蟄虵出蟻。劍山匣天矯。老龍卸龍甲。共道一日不可無。頗恨古人無我法。被材揮盡世莫知。撐腸拄肚徒爾為。伯時畫馬入馬腹。但恐山人變竹枝。筆下起鵬落之勢。神肖東坡。

鵲巢為童子所破

十載風塵客。樓榭旋食難。以予搖落意。羨

爾一枝安。力盡曉曉語。巢成响响歡。豈期
輕薄子。偷眼已相看。

病起憐雙鵲。依依向我悲。巢領寧問郭。身
在竟安之。天地饒鷹隼。江湖足鼓鼙。羈棲
隨飲啄。且莫怨羣兒。

歲暮寄懷故園親友

一年一萬一千里。馬足車輪。艱難。艱難。舟自笑。
此身。渾似葉。不知於世復何來。磨牛處處

循陳迹。籠鳥依依憶。故邱正是羊城梅放

日。瘴雲霾而獨登樓。何等起法。開寶以
後罕見此筆墨

閩中雜感

奕葉承恩異姓王。龍樓宮殿擬汾陽。三年

鼙鼓驚天地。當日清簫引鳳皇。藍水一丸

爭鼠穴。仙霞千騎失羊腸。蓮花峰下荒墳

月。慚愧他家白馬郎。清簫引鳳指
聯婚天室言

還至延平遙望先墓有作

登樓遙望暮門秋。辛苦經年尚劍州。豈有
弟兄依靡。祇憑風雨護松楸。來從豺虎
行。遠路去。逐鯨鯢。腹裏舟。四十無成還浪
迹。雲山何處可回頭。

送沙予羽之日本

壽安山迤。故雲烟。那馬臺高。四面天。縹緲
似遊星。漢外依稀直到日。輪邊乘桴昔日
傷尼父。躡海今誰是。仲連見說遺。堙在法

士卻將吾道問東偏。

相傳徐福求仙不返。劫日本國至今猶存古本尚書。歐陽公
令嚴不許傳中國。舉世何曾識古文。即
指此也。

魏坤字禹平浙江嘉善人康熙已卯

忠節公後人少負才名交滿宇內而
遇合獨艱詩體研摩宋人各從所好
也所錄五章皆
才情踈越之作

寄居蟲

人生如瓜牛。長負軀殼累。何況外緣假。若

思得久寄。茲物生海端。乃具周身智。常共
水族遊。愛此一螺翠。延緣遂遷入。宛轉據
其內。腥涎吐清波。微風納涼吹。揚暑過釣
師。觸急輒驚避。兩兩收霜錯。虛中得靜閑。
晏然稱寓公。久亦漸忘偽。如以物附物。是
一。即非二。而我辭鄉國。歲歲因旅次。結屋
少定蹤。對之發深喟。暇或或。或蟲魚。為汝別
種類。狀難狀。瑣事居然爾。雅未歎息已。
無家隨所感。觸詩人。往往有之。

登黃鶴樓

江聲已吞大別口。東之不佳復東走。怒濤
萬頃天風號。沙嶼日斜鼉欲吼。一葉剪過
烟波灣。登樓憑徧十二欄。忽飛涼雨濺衣
濕。白浪高於黃鶴山。山川滿眼來蕭索。吟
髯互垂且孤酌。青蓮畢竟非仙才。崔顥題
詩不敢作。醉擬橫將鐵。遂吹歸向仙人借。

黃鶴何等自負

送少司馬楊以齋先生 予告終養

歸里次悔餘韻

行詣誰從未俗論。陳情今見衮衣人。喜常
海宇銷兵日。許乞林泉將母身。得失不須
分出處。去留揔是戀。君親馬蹄篤速行。
何亟肯待河流泮早春。

慈仁寺有粥孤鴈者四明萬季野購

畜於庭作羈雁詩邀予賦之

不趁涼雲結陣飛。羈孤似尔欲何依。驅天
增繳誰知遠。潞地江湖卻豔違。空守殊鄉
驚歲晚。難招舊侶待春歸。臨風無限日翔
意。獨立閒庭對落暉。

田橫島

蹈海誰能帝漢高。同時一死等鴻毛。只憐
五百忠魂散。不及鴟夷有怒濤。五百人同
死而精靈
泯沒殊恨事也熟題須
尋出新意庶免雷同

汪

釋

宇東山江南常熟人康熙庚辰
賜進士第一人官翰林院脩
撰著有秋影樓詩一
馬詩上得句云歸計未謀
只辦十年官矣未假歸未
詩識之早成矣詩切磴於
陵真而近俚駁撰則骨秀
天成稟諸性生友朋莫易

新草

原上離離州春來一雨生
寸心燒不死萬里碧無情
油壁輕輕度花驄款款行
六朝佳麗地愁煞夕陽明

秋砧

萬戶清颼動疎砧特地哀
杵隨涼葉下響帶早鴻來
長信秋偏早漁陽獵未回
無衣應不少刀尺湯相催

用意全在一結

梅花樓訪月溪上人

撼屋西風起白蘋紙窗木榻靜無塵
斜陽影裏看歸鳥落葉聲中著病身
丈室只容清淨侶禪門今見讀書人
慚予又作長安

客夢斷山塘二月春子方外文選亭能讀

所接皆俗曾矣讀第六語不禁有觸第月溪未知果能讀書否也

望岱

矯首原從萬仞論千年漢時上公尊嶧嶒

直上疑無路呼吸通天尚有門獨立巖巖

真氣象滿堂登登盡兒孫闕雲莫戀山頭

住四海蒼生正望恩此殿撰也借時望岱

自命結意欲森雨蒼生而作以第一人

耶北

秋柳次韻

短長亭畔暗銷魂無復絲絲映綠門千縷

冷風餘倦態滿梢清露尚啼痕蕭蕭去馬

斜陽路點點歸鴉落葉村獨立寒潭倍惆

悵婆娑生意不堪論頭聯取題之神咏物詩須得此事外遠致

寄庭仙

五年心事共誰論惜別胥江月色昏水底

須眉終有相。雪中指爪已無痕。秋風鱸膾。

江南味。春雨梅花處。士魂畢竟家。山貧亦

好。知君亦厭孟嘗門。初看以諷定仙歸老

也玩未句爽然東山之不出已決於此

首夏同青門雪航以寧先恭泚度讌

集秋水閣即事限韻

憑高風物欲凌秋。門外平湖碧似油。眠色

已歸。鴉背外斜陽。猶戀柳梢頭。踈踈遠岫

屏間畫點點。輕帆鏡裏鷗。不盡蕭蕭條東澗

水至今嗚咽為誰流

秦始皇

方丈瀛洲杳莫攀。金銀宮闕湧煙鬟。桃源

自是人間世。初遣童男問海山。抑說求仙之妄卻道

來自別

項羽

一炬咸陽火未殘。楚人真是沐猴冠。英雄

豈學書生策也作還鄉書錦看書生見解一筆掃盡

老聃天寶中尊為元皇帝

仙李蟠根天上栽元皇帝廟崔嵬神仙

不依兒孫計一任張巡慟哭來巡慟哭立元皇帝廟

起兵而竟不一救笑唐代附會神仙之妄也

柳枝詞

一種風流得自持水村天與好腰支月殘風曉無窮意說與桃花總不知

田家樂

短籬矮屋板橋西十畝桑陰接稻畦滿眼兒孫滿簪日飯香時節午雞啼田家樂早朝時節

侯雞啼者焉能識此

張廷王字衡臣江南桐城人康熙庚辰進士官至大學士謚文和

雜興

月虧方就盈陽盡斯來復靜觀天地機迴旋似輪軸盈滿易為災謙冲恒受福所以

賢哲流秉心若虛谷名高氣益卑位顯心
彌肅天智詢為異殊勛謝與服常思重載
車不為再實木以茲保初終何憂易傾覆
吾願讀書人休同晏子僕高而不危親切
言之此公生平

持守
處

我聞昔人言苛政猛如虎又誦魏風篇頌
鼠况貪取嗟哉牧民人煌煌縮珪組乃以
父母稱而為眾所苦騶虞有仁心麟趾中

規矩諳然太和氣千載如可觀君子慎所
擇休與毒獸伍此為墨吏酷吏勗也有父
毋爾而不視父母寔者吾

頌真見
其人

飄風不終朝驟雨不終日三復老子言可
知立身微譬彼艸木微春華秋始實氣候
苟不完藥業安可必寄語功名人進取休
太疾早榮亦早枯易得還易失然識乘除
機處滿須防溢此戒進取之速早發還先
萎古人所以賤春花而貴

蒼松也

題漁樂園

秋江渺渺無津涯。江邊漁父船為家。往返何知路。遠近一帆明。月依盧花。清晨舉網。西風裏。網得長魚。滿船喜。兒能炊火。婦烹鮮。鄰叟還貽新醞美。陸魯望。張志和。朝朝詩思在烟波。吾曹不解工吟咏。醉唱羲皇網罟歌。羲皇網罟歌不傳元次山補之。漁人能唱猶謂不解工吟咏。

山中暮歸

林端鴉陣橫。烟外樵歌起。疲驢緩緩行。斜陽在溪水。妙在添不語。

楊汝毅字石湖江南懷寧人康熙庚辰進士官至左都御史

雜詩

神龍蟄深淵。杳冥入莫測。元豹隱南山。澤膚甘不食。造化本無端。歸藏始生息。氣盛物所尤。各高德之賊。卓哉先民言。士必先

器識。

北行偶述

皚皚村樹白，曖曖朝陽晏。瘦馬立猶僵，西風警如箭。飛塵染素衣，嚴霜改頰面。村酒濁如泔，沙土和羹飯。向北物價增，去鄉身命賤。回首故山遙，但見南飛鴈。

舟中懷長孫超恒時新任藁城令

汝始分符去，吾纔買棹歸。縱然違祖塋，

喜近親闈法。立奸存畏心，清案積積此。方經巨浸軫恤念民依。

聞錢彭源卒於蒼溪詩以哭之

燭暗窓昏夜黯然，驚聞巴蜀訃音傳。一官薄俸蠶叢外，萬里全家鳥道邊。但有清名堪壽世，更無靈藥可延年。傷心堂北孀親老，哭向秋風暮雨天。

陸

師字麟度浙江歸安人康熙庚辰長進士官至沅寧道著有玉屏山

撫吟

雜感

朝聽衙鼓搥暮聽樞馬嘶夜長不成寐憂
來無端倪若親遲暮景荒庭守蒿藜雪
添幾莖麥飯進幾匙白雪天東南可望不
可躋

入夏苦霖雨兩河歲少登吾邦固阜多頗
以豐稔稱望天憐瘠土長官曾何能哀彼

中澤鴻嘹唳號寒水子母各翻飛何鄉可

依憑此在河南新安縣時作

之官真州述懷

昨歸自東垣結廬屏山住書史尋夙好長
日儘可度親亡焉用祿涕泗誓諸賢此意
愧未堅又被微名誤綺羅紛五色鳴機自
織素縱然違時趨努力守故步
物生號有萬心性冰炭異蟬蛸吸露華蛭

螂甘穢賦若使易地謀却走兩不嗜擾擾
岐路間東西各行意儒者重敬官南估乃
競利。

和溝自隋唐昔稱繁庶地宴享窮珍羞吉
凶踰典制巷有衣錦人家無終歲俗權衡
奢儉間張弛有治義採風美唐魏古人豈
無意庶幾去其甚聊洒俗吏愧至今人第
饒不知業鹽筭幾家外貧困猶他處
權衡奢儉而欲去其本甚如此見

心月

為士不學道所得皆支流。為民不服耕。逐
末非良謀。彼都中聲利迷。用何當。寥一髮
挽千鈞。力薄知未周。我舌敢辭傲。我行敢
告休。力田與孝弟。最哉景前脩。

雜詠

獨坐空堂中。時隱南郭几。悠然萬慮消。止
水清見底。無端一物交。倏尔兩念起。因兩

國朝詩集卷之七

七

遂生萬劫。不可紀。靜定動亦定。烏用著。
此乎。鑑空而衡平。君當會斯理。周子云主
靜立極不
獨靜時當靜即萬感雜投時心中有主
不亂紛也詩中所云豈拘守聲律者所
能

禱雨自効

祝融秉權號令酷。赤日黃埃助炎熇。穉禾
枯焦似束薪。澗溪涸竭行成陸。哀哉斯民
瓶罍空。婦歎兒號盈白屋。已走群望請
壁未見天。公鞭蟄伏。天降災。侵非偶然。妨
乃感色。此司牧。一官衣食寄閭閻。何忍鞭
箠等犬彘。本心未喪。戒摧戕於民。無恩備
無壽黃昏。維謝四知。金白日。虛糜五斗粟。
我今自分無寸長。官方以矣宜。褫逐安得
賜。雨時若民無飢。挂冠高隱升山麓。

騎牛曲

牛背兒童自放歌。頭頭注澗復踰坡。問渠

國朝詩集卷之七

七

國朝詩苑新集卷之九

詩

何法牛。馴擾鞭撻。無驚芻牧。多收民之道盡末一語

許迎年字毅士江南江都人康照庚辰進士官中書舍人著有松壘詩

鈔詩品如靈和楊柳初日芙蓉

唐中最近温岐情韵勝也既徐洲則互相酌唱風格略同藝林比之秦嘉夫婦因並及之

新竹

不與僧參玉版禪。旋看解籜裊新烟。玫瑰

驚熱多爭地。翠鳳脩翎欲上天。鳥坐巢

歌晚。腕月搖虛幌。影連始此君。相對

灑不厭秋聲攪夜眠。

萊陽二姜先生祠

黃門高節著萊陽。伯仲風裁在抗章。請劍

上方。思斬佞荷戈。南國竟按荒危。言足破

狐狸膽。浩氣堪增史冊光。海湧峰頭祠廟

在。谿毛特為薦馨香。風裁字平反二音唐賢並用

和泚則園居病起作

一病經春瘦可憐。幾時不到曲欄前。花殘

國朝詩苑新集卷之九

三

幽砌堆紅雪。鶯坐垂楊。破綠煙輕暖未成。
連日雨薄寒猶快。晚春。天方池新漲。遊魚
樂興寄濠梁秋水篇。

△楊守

知字次也浙江海鹽人康熙庚辰進士官榆林知府

嘔嘛酒歌

楊花吹雪滿地鋪。杏花一片紅糝糊。榆錢
簸風風力軟。芳林處處聞啼鵲。青旗斜漾
茅屋底。天然好景誰臨摹。我留此地一事

無太平之世為羈孤。東鄰西舍相招呼。殷
足張文動與俱。釀錢買醉黃公壚。麥飯鷺
黃新釀熟味醇。氣前過醞醕。彭亨翠甌如
鶉觚。細管尺五裁。霜盧低頭吸。同渴羌飲
一口。欲畫鴛鴦湖。榆林白波倒捲東海沸。
漏虹下注西江枯。碧筍不用彎。象鼻龍頭
屢瀉蛟盤珠。須臾餅馨壘亦取。春意盎盎
浮肌膚。劉伶大笑阮籍哭。直欲躍入壺公

壺春 皇聖德蠲逋租。吏胥不擾民歡娛。
今年更覺酒味好。百錢一斗應須醜盲娼。
醜似東家嫖琵琶。箏阮聲調粗。有時呼來
彈一曲。和汝拊缶歌烏烏。青天作幕地為
席。醉倒不用旁人扶。樂哉邊氓生計足。白
羊。犂乳。驢將。駒賣。刀買。犢。勸耕。鋤。女無遠
嫁。男不奴。含哺鼓腹忘帝力。歲歲里社
如。賜醕。安得龍眠白楸手。畫你擊壤歌。

圖

風土詩傳出太平無事景象乃不徒依



徐昂發

字大臨。江南崑山人。長洲籍。康熙庚辰進士官翰林院編修。著有長壘山人詩集。

雁門關

昨升繫舟山。試望雁門寒。截業陣雲黑。勢
與元岳配。及茲赴谷口。踟步入煙靄。曲曲
山根盤層層。蒼壁對嵐光。自摩蕩曠空。憑
明晦。古雪滋陰崖。新泉下奔瀾。猿猴一線

路迥出飛鳥。皆側磴上空。曲磬危凌地。籟始知經陟高。足底羣峰會。元冥操斗柄。制此天北戒。插漢立雄關。蕃畿隔內外。東掠鳳皇城。西極苞蒲海。呼吸萬里通。形勝兵家最。信乃天下蔽。詎惟三晉隘。時清關門開。畊田鑄矛鏃。不見沙土中。箭鏃餘腥在。

過彭蠡湖

水落晴沙高。鸛鳴霜野冷。我來越彭蠡。

此秋光迥林岫。遠參錯洲渚。互陵巨魚龍。氣不驕鵝鷓。散游冰川塗。翫迴轉。欹疾孤帆影。洪流既歸壑。巨藪失溟濊。乃知造化根。終焉返虛靜。沿源過連圻。蒼然見西嶺。曖曖斜陽中。悠悠動漁艇。異人不可求。松門介清景。天下萬動歸根於靜。不過借樹指出。

激玉亭

合沓巖崖空。風雨松顛聲。雙瀑從西來。飛

出九疊屏。群峰忽搖蕩。右界銀河傾。孤亭攬
 要妙。恍惚光怪呈。天清霹靂闢。日抱虹
 蜺生。飛瀑濺積素。上散為雲英。奔激澗壑
 間。萬玉相鏗。銅違山已十里餘。響勝空青
 惜哉古球石。獨向山中鳴。坡公作以白得
 勝此作以矜練

鳳尾岡望海

側磴緣秋臺。連巖眩明晦。踈踞逾積隴。曠

望霄宇。大鳳翥振華尾。下視九州隘。我來
 躡其顛。若陟靈羽背。一身與雲輕。迥出天
 地外。巒嶺何隱軫。草樹紛映暖。彷彿魚龍
 沸。萬里滄溟滙。神山恍可接。灑氣吞南戒。
 颯沓風雨來。蕭蕭鳴眾籟。鞞鞞重潮奔。鏗
 鏘群壑會。長嘯顧向途。邈然闕人代。一身
 與雲

軫二句極狀憑高眺遠下寫望海不必
 盡力形容別於觀海也若出時下才人
 手浪費
 筆墨矣

觀打魚戲為鷓鴣歌

鷓鴣鷓鴣巢高木張口吐雛連五六
 碧眼玻璃明稜稜長喙鉤鉞曲野人極網
 橫覆車鰭沙兩翻不得舒腹角腥涎養馴
 熟朱繩繫頸來捕魚潮波吞天一葉舞野
 人指搗若部伍鷓鴣安浪疾如風水面迴
 篙掉飛艫戲鯉游勦驚失次拏鬢磔尾萬
 魚迸翻身入水追亡連搥鼓船頭助聲勢

大魚鱗脫紅肌摧小魚半死盈船堆鷓鴣
 鼓翼鳴得意貪殘嗜殺神所猜野人揆柁
 斜陽墜論斗買魚謀一醉鮮鱠遙看霍葉
 香輕刀細剝春葱脆鷓鴣鷓鴣垂頭欽翅
 上橫木一寸鱗鬚入八腹

相見灣詞

自注在潁州南
二十四章江中

人厭溪灣遲我愛溪灣旋三暮三朝見百
 回相思那及長相見

揚州

木鷲沉處錦飄斜。隋氏離宮接暮霞。辱藉
 有魂悲玉樹。仙都無夢餉金蛇。裙巢禹穴
 千年繭鏡擁迷樓。萬朶花莫向吳公臺上
 望。江。南。江。北。揔。無。家。後主二語而申言之
一加點染遂若別開面目

淮陰侯釣臺

木落荒原水氣昏。英雄魚釣跡猶存。灘邊

不。售。三。分。策。漂。母。長。留。一。飯。恩。人。歎。老。臣
 知國士。天哀女子殺王孫。藏弓烹狗由來
 事。兵。合。終。身。淮。上。邨。

城南二首次宋五嘉升韵

漢室曹瞞是鏡。氣術兒年少欲橫挑。刀圍
 玉帳。觴。公。瑾。花。簇。珠。屏。舞。大。喬。水。上。神。書
 纔息燄。牀頭明鏡旋生妖。蟠龍門外牛羊
 墓。齏。麥。粘。天。似。雪。飄。此取吳王也英氣勃勃干載如生

東風倚棹木蘭舟。舊事淮張剝野蒿。人吊
夕陽花作雨。鳥啼初月水平篙。江陵故巷
憐蕭銑。隴首荒宮記隗囂。亡國有魂歸不
得。驅狼衝海漫呼號。以味張士誠也。此以
蕭銑隗囂恰如分量

集秀野草堂醉後作

飛揚意氣未磨礪。五岳崢嶸方寸中。醉酹
尚生無患子。男兒那作可憐蟲。逢花莫
為愁。飲結柳。逡巡歎學窮。至竟文章成底

事莫離海。哭秋風。

無患子。貝本草。古金

謂波即菩提子也。全喻歌辭。口男兒可
憐蟲。出門懷死憂。此種對法。全學秋風
客春夢
婆之類

查嗣瑛 字德尹。浙江海寧人。康熙庚辰
進士官翰林院侍講。著有查浦

詩

賈大傅祠

陳書痛比秦庭哭。依賦情同楚奏哀。已遣
長沙晏不返。如何宣室召空回。身逢明主

猶嗟命天奪。中年亦忘才。此日題詩還下拜也。如君弔屈原來。

過白沙嶺寄同年張硯齋

積翠深空不見峰。群峰俱擁萬株松。怪來小驛重關路。忽與千巖萬壑逢。丹壁斜飛千尺練。白雲過送一聲鐘。龍眠居士如相識。畫我山莊第幾重。

徐永宣

字學人。江南武進人。康熙庚辰進士。著有茶坪詩稿。茶坪天

雷自貴不就選入詩全得力於東坡三猶東耘幼極稱道之謂其晚唐風韻各有會心也

潤州

江山誰第一。最是潤州城。山上南朝寺。江頭北府兵。三春添黛色。萬古一濤聲。問盡東西客。勞勞役利名。

舟行即事用香山韻

秋深酷愛水雲空。興到五湖東。復東船泊。

皇朝詩苑卷之...

三

荻花全白處酒沽楓葉半。紅巾貴人翁神
種荒草淨世實鴻逵斷遠何似素心晨夕
共詩籤茗椀得相同。二四語今瓌畫卷中
每有之子泊艇時往

往遇此而不訪
言取用自媿

竹垞先生留宿楓橋慧慶寺夜話追

悼陸文孫自注陸與先生同里善
音律流寓常州卒於粵

東

朔風號怒紙窓前憶舊僧房感逝川。鄉曲

公憐楊狗監天涯吾悼李龜年雪深院落

妻無絮葉擁階除突少煙此夜楓青燈影

黑鼓寒霜重不成眠。直體意在文孫故於
竹垞後略第三語傷

竹垞一渡落下俱言文孫之
貧而沒也結意黯然傷神

宋建中靖國辛巳七月二十八日為

東坡先生騎箕之辰先生乞居常

州卒於孫氏寓館其地去余家不

數十武舊跡猶存歲位辛巳去先

國朝詩苑卷之...

三

生六百年矣感今追昔邀同學諸

乎於是日肇祀先生用眉山二字

成詩二章致敬恭思慕之意云

鍛羽難遷月下枝文殊問疾倍支離夢縈

竹屋風前樹心繞觚稜雨後葵巴分孤臣

傷骨鯁可禁眾女嫉蛾眉憐木只有宜仁

語千載追五夜悲東坡先生生平轉前

才并諒其忠愛宜仁知志亦崇坡連

白雲深處碧波環詩識無端落此間回首

古橋衰柳斷傷心小院野花散魂歸月黑

疑儂耳鶻沒天低憶故山直接岷江溪水

是瓣香裊裊淚潺湲六百年後幸已

秋日訪朱錫之先生

沈尤邨僻絕塵寰千个賞管水一縷學道

著書無箇事滿庭黃葉對秋山先生有節

中傳出今讀者如或遇之

此種微妙難為外人道也

蘇東坡詩集卷之五

蔡 堡 字甘泉江南江寧人康熙庚辰進士官御史知縣

蟻磯孫夫人廟

魂傷巴蜀雪消時歲歲東風哭子規
逝水芳春花易落沉沙終古石難移
悲衝白帝生睽隔恨切蒼梧死別離
環珮不歸清夜杳月明無主照荒祠
如此英女而所遭不乃兄之降曹真可媿也漁洋斷句後應推是篇

送車子任之六梁

中原天接大河長駐馬夷門又夕陽
密路平生心似雪風人未老鬢先霜
屠沽事業傳公子詞賦聲名重孝王
此去梁園千里外不因懷古自悲涼

陳沂震 字起雷江南吳江人康熙庚辰進士官給事中

雲安

水折山紆路欲窮何曾破浪駕長風
高峰猿嘯重雲裏絕壑舟行亂石中
官迹羈愁

國朝詩苑卷之九
四

川上下。詩翁遺事灑西東。雲安麴米今何
有。寐寔誰憐酒盞空。
此川中作令時
詩下一首同

巴東

征人日夜逐征鴻。爾過川中入楚中。版籍
已知邦國異。人民仍覺語音同。五年三峡
風波路。萬里孤舟若病翁。誰信書生遇天
幸。平安入口出巴東。

白雪樓

自古衣冠笑楚優。文章聲價付悠悠。人聞
豈解陽春曲。此地猶存白雪樓。山色千尋
常聳翠。泉源萬斛自飛流。乾坤清氣依然
在。更向何人筆底收。
弔李滄溟見後世有
攻伐之無繼續之者

通下首皆
學使時詩

試院即事

畫戟森嚴畫漏遲。凝香燕寢日斜時。柝聲
繞院人聲寂。滿箔春蠶正吐絲。

途中

白雲如絮擁蒼山，膚寸能弥六合間。卻恹紛紛頻出岫，不曾行雨竟空還。

許

涓 字凌洲浙江嘉善人康熙庚辰進士官湖南石門知縣。此系

座主竹君師考也勤郵荒政民受其賜石門至今祖豆之

雙溪坪勘災

策蹇來投止，荒廬繞棘叢。人惟野鹿，城

壁存狂風店鬼村，却聚群羊戶戶同。救災

長吏職無術，起哀鴻。

寓史荒景象如繪結意自道無術諷然仁

者之言

費洪學

字巽來江南吳江人康熙庚辰進士官博野知縣

登滕王閣

岩堯傑構勢凌空，憑眺山川氣象雄。彭蠡潮聲轉天外，豫章山色落杯中。才人逸唱秋烟渺，帝子遺墟夕照紅。一閣堪憐幾興廢，江頭為問釣魚翁。

劉師恕 字秘書江南寧應人康熙庚辰進士官至直隸總督

護花

花開笑春風卻被風吹落自無堅貞性但
怨風輕薄賴有護花幡衆芳得所託恐此
亦偶然莫便矜灼灼 見秉性貴貞不藉擁護也

臥龍岡武侯祠

祠堂舊是栖遲地明外曾停三顧車自信
君臣並魚水不教華渭擅耕漁大星臨地

終炎祚古柏參天傍州廬魏殿吳宮俱泯
滅荒岡猶峙劫灰餘 後杜詩化出而泯其痕

國朝詩別裁集卷十九終

欽定國朝詩別裁集卷二十

禮部尚書臣沈德潛纂評

秦文超

字偉士湖南長沙人康熙壬午舉人著有怪村詩集

過漂母祠

清淮水漲岸添痕望裏長隄古廟存一飯
偶然憐餓者千金何必重王孫母能忘報
直高誼漢不酬功實莫思我亦江湖垂釣
客經過聊為薦芳蓀

黃

任 字莘田福建永福人康熙壬午舉人官四會知縣

暑雨後坐月

雨洗月逾潔。氣寒光轉幽。露螢不自夜。風樹已先秋。烹茗籬遙起。拂琴泉暗流。清宵形對影。身世兩虛舟。
學温李詩者偏得此清絕之作從温李人不從温李出也

讀楚辭作

無端哀怨入秋多。讀罷離騷喚奈何。明月

竹枝湘浦久。西風木落洞庭波。美人環珮惟蘭杜。公子衣裳在芰荷。千古壘坳有高弟。江潭能唱大招歌。

題畫

桃花灼灼水潺潺。隔斷千山與萬山。生怕漁郎漏消息。不流一片到人間。

西湖雜書

珍重遊人入畫圖。亭臺繡錯似茵鋪。朱家

高里中原土換得錢塘十頃湖即胡鑿菴所云小朝

廷意高宗不復父讐意然言下

珠襦玉匣出昭陵杜宇斜陽不可聽千樹

桃花萬條柳六橋無地種冬青感揚璉真

事西湖詩流連光景者多此較有關係

彭城道中

天子依然歸故鄉大風歌罷轉蒼茫當時
何不憐功狗留取韓彭守四方詞以亭

陳虞思字匡九江南長洲人康熙壬午舉人子前結葑南詩課格匡

九八每詩成衆人屈服謂文莊公有後茲選中三朝要典丁將軍故劍二篇皆課題也才命相妨中道但謝士林咸為惋惜

贈張永夫

盧仝家貧無長物一婢一奴屋數間先生
之貧異於是破竈頽墮寒無烟途窮獸見
俗眼白餓死不食嗒來食驕兒不襪腳凍
皴老妻無食面黧黑一聞茅屋四壁空雨

淋日炙號長風。蟪蛄入戶蒼鼠立。夜寒僵
 臥牛衣中。屯蹶否塞負且病。憂思感憤明
 其裏。險語突兀泣神鬼。奇氣磊落撐蒼穹。
 豪家婢僕何昌丰。睚眦俳笑老秃翁。白日
 晦昧吾道窮。此輩何足填心胸。喘月之牛
 負塗豕。紛紛輕薄應如此。君不見季次原
 憲留清名。斯人今日常不死。極形其窮而
 表其必傳亦夫
 可慰於地下

觀丁將軍故劍

丁公小未孫子荼。峭欹歷落非庸人。與酣
 對客拔劍舞。飛電駉駉風軒軒。坐客觀者
 喜且愕。丁生材武超人羣。生云小子何足
 算。公等未見先將軍。將軍自少性敢決。翹
 關負米空千鈞。生平武事略可數。鈎戟劍
 鞘刀槍噤。就中劍舞尤第一。上馬下馬皆
 如神。白猿遁逃不敢進。青龍鬚鬣纏其身。

厚真詩集卷三
 三

余聞自恨生已晚不得身與將軍親將軍
 更有遺事否余為傾耳君具陳生云昔時
 有草竊嘯聚海島如雲屯醢人之骨食人
 肉元戎束手徒逡巡吾祖仗劍往殺賊體
 體帶血臬轅門賊中豈少強健者直前捕
 斬猶狐狍後來賊平受上賞皆由一劍成
 功勳只今吾祖已沒世英風猛氣猶生存
 此劍時時吐光惟匣裏龍嘯清宵聞同人

拔鞘決眼觀殷紅戰血痕疑新昔聞隴西
 世受射將軍之後應生君君今好文不好
 武性嗜奇古師皇墳自言今者特偶耳兒
 戲恐使他人嗔勸君只合繩祖武毋徒健
 筆扛龍文古來武人畫麟閣文士老死荒
 江濱君不見賤子學書不學劍途窮慟哭
 空酸辛只寫八先將軍一語便已出眾以
 干罄控縱送無不如志末一語轉
 合文士之困窮不勝哽咽○前人論七
 言古必時露奇警句乃不薄弱篇中弱

腰帶血泉。轅門殷紅。戰血痕疑。新皆奇警句也。得此這篇振起。

王式丹 字方若。江西南寧人。康熙癸未。賜進士第一人。官翰林院修

撰著有樓村集

蕭尺木凌歊臺圖

高堂素壁雲氣生。莽蒼一燈秋山明。壘空
截業勢千丈。飛流樹頂如聞聲。借問此景
從何得。凌歊臺畔青崢嶸。大江東去抱姑
孰。天門竦立牛渚橫。崇臺拔地接星綸。

雲巴雪相逢。奇奴賣履作天子。目營八
極憑江城。燕秦電掃日豪喜。三千歌舞隨
霓旌。至今英雄久灰滅。漠然山高而水清。
鍾山有客癖撫笏。坐揮墨瀋升斗傾。不為
永初繪巡幸。臥遊自欲酬生平。橋頭策杖
者誰子。幅巾蕭灑攜秋英。毋乃義熙老處
士。獨依松菊歌閒情。謝宅已荒桓井廢。斷
碑苔蝕留空名。何當埜立下幽聽。慈姥夜

夏琅玕鳴。我來讀書三歎息。萬年之計徒
屏營。涼宵對此且痛飲。西風颯颯燈熒熒。

睢陽廟二首

曾披唐史傳遺烈。百戰孤城蹟不磨。犄角
力堪藏寇盜。殞身功已障山河。名先李郭
懸青簡。血並南雷染碧沙。此日楹間修一
拜。陣雲過月想悲歌。
睢陽一城若非張許
死守則睢陽早破而
江淮力不支矣使李郭得成恢復功者
張許力也殞身功已障山河一語其意

前
之
識

繡帳煙沉鐵面寒。衝冠餘怒尚桓桓。戴夫
定不借阿摩斫地。還應滅賀蘭。
賀蘭自注鐵騎
賀蘭進明
跪階下為觀者
唾擊止存半軀萬古歲時尊俎豆。九幽靈
爽託筵筓。即今燈火傾城市。彩繪旌旗徹
夜看。

于忠肅公墓

自拚熱血灑高官。隻手扶天日月中。帝位

安危操上策外藩影響幾孤忠苔封石馬
三春雨烟暝巢鳥萬木風相望鄂王精爽
在靈旗蕭颯暮山空

味古貴于簡要土木
奪門二語中俱已盡

盡見作者
銀鍊之功

南中書事

禹甸埴墳殊廣大蠻方節鉞漫紛紜欲披
角鯉池邊莫旋攪都鷺洞裏雲孔僅算縉
原始既盧循入海豈能軍詔書一紙烽煙

靜重見侏儻拜 聖君

蔣廷錫

字揚孫江南常熟人康熙癸未
進士官至大學士謚文肅著有

青桐軒秋風
片雲諸集

續古詩

松蘿良有托葛蔓亦有依五中一貧士四
海無所歸日飲澗中水朝採山上薇天寒
水結冰年深薇漸稀浩吟悲哉行君子其
庶幾遊魚躍池樂苑馬騰樞肥豈知鴻鵠

志不逐燕雀飛

題小頭墨竹

畫竹不如真竹真枝葉易似難得神風晴
雨露皆有意子瞻與可無其人去歲闢地
栽新竹枝葉離披覆茅屋竹梢枯勁竿清
瘦久久可以醫吾俗昨夜雨過月上時壁
上掩映青青枝張子對之無一語淋漓潑
墨發異思淡煙輕霧筆底生枝枝畫盡

雨聲移向乾明寺中挂壁石好撰張顛名

表忠觀

流離五季徧干戈草竊英雄幸過多一角
國分唐土地百年廟共宋山河凌烟閣上
功臣像衣錦營中駟馬歌為問叛鹽為盜
日仲謀曾許較如何願聯已舉其夫

著梅

橫列春山翠帳開幾株相映白皚皚輕烟

未散月未上。放鶴亭邊雪欲來。高松

張自超字彙歎江南高渚人康熙癸未進士○彙歎知己非用壯人不

就選謁生平遠於經學詩亦從經學中出

詠懷

阮生何鄙固。往往泣途窮。途豈有窮時。毋乃大熱中。學道無獨識。舉足迷西東。太虛亦寥濶。顧弗容其躬。能貴不能賤。遂為物所攻。時論于儒者。謂貧為素風。搖落感

精彌漾如飛蓬願為達觀者與世開鴻濛

途豈有窮時喚醒急燥人多少貧賤能移之人即富貴能淫之人也達觀者尚未足以知之

秋懷

大道自坦夷。于中生荆棘。擴清有古人。所貴無遺力。堯舜至今在。孔孟教不熄。世運或遷移。日月亦食昃。遂非聖賢心。剝猶天地德。霜風洗長林。群木涵新色。鄭清異端正以章明

聖敬堯舜至今存由孔孟之教
不愆也誰謂詩不具以載道耶

桑

老桑古性大成圍。秋風落葉著地飛。腹空
皮裂榦拳曲。霜雪歷盡生意微。左邊桑條
猶自好。解向東方美。晴暉我生骨瘦常苦
寒。繭絲賴汝成冬衣。頭汝百年不戕賊。春
日三眠蠶可食。半榮半枯生亦得。即作者
自戕其

平生

掃塵行

掃塵練日臘三七。細竹長竿風捲疾。歲歲
荒村守敝廬。家家淨掃迎新歲。掃過瓦椽
及四圍。甑中之塵凝不飛。朝來坐曝茅簷
下。垢面相逢仍苦飢。甑中生塵舊語也加
凝不飛三字便覺貧

况可憐即此想
見桑歎清風

何焯

字

特賜

江南長洲人康熙癸未
進士官翰林院庶吉士

卒後

賜

同友過堯峰免水禪院訪過庵長老
道人種松罷免水開禪闕微塵吹不到白
雲相與閒偶尋林外的引我過前山倚杖
看奇石徘徊殊未還

送友之長沙

憐君獨向此江濤。把手河橋淚不禁。匹馬
西風千里別。一盃濁酒百年心。雲開湘水
橫孤雁。日落荆門起暮砧。舊是賈生遷謫

地可應吊古動哀吟。

吳廷楨

字山掄江南長州人康熙癸未
特賜進士官翰林院學士著

有南
村詩

試兒行為天標令子賦

璇源照夜寒。冰壺老蚌就掌生明珠。翠眉
玉頰瞳點漆。人間又見徐卿雛。去年湯餅
會衆客。鬱葱佳氣方充闔。走邀温嶠辨英
物。耳畔髣髴聞啼呼。今來周晬露頭角。矯

矯自與羣兒殊。豪鷹削劣毛骨異。敢以凡
鳥題門樞。雲屏翠幙好遮護。抱持保姆類
敷腴。圖史百物羅左右。滿堂坐展紅氍毹。
排窓穴壁競覘窺。親戚笑問兒何湏徑前
握管隨手抹。似尋字畫摹之無。諸餘坑好
不桂眼豈美取印提戈。父迺翁雅素賦詞
翰。吮毫舐墨勤伊唔。兒生隨地有同嗜。端
能讀父盈車書。州續方當等曼倩。臨書且

為留官奴幾人有兒得寧馨。萬金之產良
非誣。我歸責子坐歎息。提孩便已趨殊塗。
朋來雖有四男子。森如立竹僵墻隅。嬾惰
總不好紙筆。召令吐記常含糊。正應坐我
老伏櫪。顧後駒齒皆頑駑。韓子不免簡教
示。陶公終是分賢愚。詩成聊復使之寫。得
不媿汗沾肌膚。生兒當如李亞子。尔曹碌
碌何為乎。逐層引出正如春蚕吐絲七古
所忌平直得此層次曲折自無

平衍直致之患。提戈取印。試兒詩中。所必用也。此以擬為用。便不覺其陳陳。

石田畫廬山高

石田老人筆有神。匡廬面目為寫真。翠壁
高峰駝臥。蜿蜒懸瀑蛟龍躡。更叱巨靈
運神斧。削出坡陀似懸乳。哀猿下飲難攀
條。寒鳥歸飛愁隨羽。萬古盤渦轉輪轂。三
疊水簾珠萬斛。遊人總向畫圖看。依稀認
得康王谷。何年來遊支短筇。筇與芒屨同

過從會當洗耳萬山頂。高揖五老看鑪峰。

觀潮

閶闔長風吹海立。馮夷怒挾天吳八層層。
駕浪薄秋旻。涼波如沸魚龍泣。海門匹練
遙飛來。龕山赭山青。崔嵬罔象橫。衝兩崖
束。巨靈直擘中流開。劃然分奔吼餘怒。霆
擊雷轟碎天鼓。日車傾。是羲和愁疾掩陽
烏。避吞吐。陰晦。倏忽奔騰萬馬。狎鷗夷蹴

踏來窈冥雪山摧翻龍脊瘦冰柱迸裂蛟
涎腥。俄聞春岬喧雲碓旋見跳波散珠珮
驚濤蕩滴天低昂亂石旬旬山破碎潮頭
一落百丈強。迎潮之子凌蒼茫千櫂乍隱
鷗起後一葉忽浮鳧拍張目精眩轉毛灑
浙我生江鄉情未識吁嗟向若郵然驚倒
瀉長江盪胸臆水犀強弩于雕翎欲尋斷
鏃揚遺靈釣臺西峙灘漲急海天瀕洞孤

煙青山語廣陵潮也一路排山倒海而來
未幅烟波無際蓋潮至富陽而怒平
矣

天妃廟

斷堰鎖崔嵬奔流下石隈勢吞淮甸盡聲
撼海門開水氣晴吹雨天風夕送雷扣舷
驚險絕誰是濟川才

淮浦夏日雜感

濁浪南奔萬馬雄清淮如線失春容天連

碧海盤霜鷲水拍金罍轉雪龍四載禹功
今未遠一丸蟻穴古難封杞憂卻怕天鏡
笑且與平治磊塊胸

曉望華嶽

曙爽西來嶽勢尊削成天外射初暎寒松
翠滴仙人掌晴雪光浮玉女盆氣肅金晶
橫地軸路尋箭筈倚雲根懸知絕頂通呼
吸直欲排空謁帝閣

函谷關

九泥塞險恃崇墉表裏山河百二重城晚
角聲通晉塞關寒樹色鎖秦封驚心遠客
聽雞度矯首真人跨犢逢西去嶽蓮迎面
起雲開立馬許從容連前一篇雄整稱
吳瞻淇字瞻堂江南歙縣人康熙癸未
進士官翰林院庶吉士
溫厚如其為人所養醉也
發富陽夜次嚴瀨

忽見桐江樹。回頭失富春。中天一片月。千

古雨高人。對謝皋羽墓世亂宜晞髮時

平亦潔身。清風迎客棹。欲為滌征塵。五六語分

承皋羽子陵潔身無在危亂之邦時平

潔身而自

三荅家兄

留滯周南客。相思春草餘。夢來乘夜月。詩

好代家書。父有千秋業。兒慙兩地居。何時

耦耕罷。商略注蟲魚。

章藻功 字豈績浙江錢塘人康熙癸未進士

晚遊西湖

雲滿晴光一縷斜。紛紛歸逐七香車。山中

影散樵新客。隄外帘收賣酒家。乍捲村烟

橫遠岫。暗移篝火點平沙。可容爛醉湖頭

宿。夢轉三更玩物華。通體不脫一晚字

查慎行 字夏重浙江海寧人康熙癸未進士官翰林院編修著有敬業

堂集。施注蘇詩行世久矣。敬業補所未及。兼多駁正。緣無力未及。鐫行所為。請得力於蘇意。無弗申辯。無弗達。或以少蘊藉議之。然視外強中乾。襲面目而失神理者。固孰得而孰失也。推學之者。勿更揚其波斯為善學耳者。

秋感

渡淮橘成枳。一變性終失。不聞返故土。枳又化為橘。人生百年中。孰是保初質。就衰水赴壑。駐景艾挽日。幾見白頭翁。鬢霜後

如濼見變善為惡不能復返為善即未有小人而仁者意所以防失足也下又

推廣言之。若果於迴車仍可返暎為舜此又當活看

閘口觀罾魚者

插河一綫才如溝。戢戢魚聚針于頭。其中巨者長二十。領隊已足稱豪酋。尔生亦覺太局促。漂漚散沫沉復浮。不知世有海江濶。長養何異蒙拘囚。居民活計乃在此。勞不撒網逸不鈎。竹竿網罾密作眼。駕以一

葉無蓬舟。朝來暮去尋丈內。細細粘取銀
花稠。庖厨卻緣瑣碎棄。曝向風日乾。初收
微鱈。但供飼狸。用性命肯為纖毫留。吾聞
王政雖無澤。梁禁鯤魚尚有涸池遊。人窮
微物必盡取。此事隱繫蒼生憂。一錢亦徵
入市稅。末世往往多窮搜。

王文成紀功碑

明朝制科號得士。吾鄉前輩尤絕倫。王公

王公後先出。往往艱大投其身。朝廷坐收
養士報倉卒。定變皆儒臣。正德己卯夏六
月。逆濠犯順。江湖濱公然舉兵。思向闕三
郡。一閔生妖塵。皖口駸駸勢將下。留都岌
岌恐震鄰。是時海宇正清晏。武備缺略久
不振。公方持節撫南贛。似可觀變。徐澶洩
同讐。大義憤所切。守土敢限越。與秦出師
必待九重詔。是謂以賊遺君親。飛書揮羽

聲罪討攻所不備真如神。自從檇巢及執
醜通計時日纔兼旬。軍門戎首已面縛。天
子赫轡方南巡。石頭城南獻馘罷待命。行
及明年春。周公東征尚跋扈。形跡詎可拘。
忠純盈廷宵小古。亦有忌者愈衆節愈伸。
初心祇期濟國事。豈必畫像圖麒麟。茲山
勒銘蓋有故。深刻歲月題庚辰。紀功非夸
乃紀實。書法適勁辭溫醇。首從伐叛叙始
末。繼舉神武歸丹宸。天方嘉靖我邦國。誰
其紀者臣守仁。隨征官屬例得列。惜哉名
姓今俱湮。讀書臺傍一片石。百四十字磨
崖新。逸事吾聞長老說。弘治一榜凡三人。
後來立朝適共事。數本前定非無因。胡發
其姦孫殉難。公乃一手回千鈞。自注弘治
五年吾所
鄉榜公與胡公世寧孫公燧同舉其年塲
中見三巨人傳為異事及宸濠之變胡首
發其姦孫以巡撫死難煌煌勲業本德性
三人共此事亦一奇也

出過世會開經綸質語百世可無惑似此
理學寧非真後來輕薄好詆毀撼樹不過
欺愚民如公表見猶未免此外何以加冠
巾手磨碑竭發長嘯白日皎皎懸秋昊就

宸濠始末詳言之表出一榜三異人事
見事屬前定非偶然也未以紛紜詆毀
比之蚍蜉撼樹用
以間執小儒之口

中秋夜洞庭湖對月

長風驅雲幾千里雲氣蓬蓬天冒水風收

雲散波忽平倒轉青天作湖底初看落日
沉波紅素月欲升天斂容舟人回首盡東
望吞吐故在馮夷宮須臾忽自波心上鏡
面橫開十餘丈月光射水水射天一派空
明互迴盪此時驪龍潛已深目眩不敢嚙
珠吟巨魚無知作騰躡鱗甲閃爍翻黃金
人間此境知難必快意翻從偶然得遇聞
漁父唱歌來始覺中秋是今夕。

高斯億為余畫竹以詩報之

畫竹原從草書出。眼中孰是張芝筆。高生善書久絕倫。餘技兼為竹。寫真自言亦用狂草法。頗覺游戲能通神。無諸城中少脩竹。客舍連旬苦炎毒。賴君妙手補化工。為我一揮終十幅。幅終擲筆風雨來。野人踈爽心顏開。湏臾雨止墨光濕。潤入紙背生蒼苔。蒼苔老龍蛻骨瘦。崛強翠鳳掉尾紛毳毳。

魄雄氣大腕力壯。畫掃篠簜皆凡林。忽然

幻作鐵鈎鎖。自注江南李主作竹自根至梢

鐵鈎鎖自云惟柳小者一二鈎勒成謂之公權有此筆法世有誠懸識我渭川

千畝胸鬱蟄。放縱精微無不可。文湖州脉

繼者難。後來獨推王孟端。人間多畫風中

柳。自注東坡題文與可墨竹詩珍重蕭郎

十五竿。前後以草書作關鎖章法不懈

與顧梁汾舍人次閣學韓公韻

不是微之定牧之紫薇亭擅舍人辭十年
未就歸田賦衆口猶傳赴洛詩往事相關
琴已散秋風纔到髻先知怪來東閣留賓
地難遣深情是酒卮

景州董子祠

西風殘照廣川城董相祠邊感慨生官秩
稍增秦博士文章獨闢漢西京醇儒豈以
科名重英主無如經術輕卻笑武皇親制

次牧羊牧豕盡公卿

牧羊即鬻羊頭
豕下養之先聲也轉

自崇經兩者開之故奇。牧豕
猶爲經術此因牧羊而連及之

度仙霞關題天雨菴壁

虎嘯猿啼萬壑哀比風吹雨過山來人從
井底盤旋上天向關門豁達開地險昔曾
餐劇賊時平誰敢說雄才煎茶好領閒僧
意知是芒屨到幾回

黔陽雜詩

玉斧銅標界有無。直蘭城外亟儲胥。田橫
客已辭窮島。樂毅功難敵謗書。官溫羊頭
爭獻鏡。謀新鼠穴可乘車。英雄釋子論誰
是。廣武登臨歎有餘。

送陸逢叟之井陘

不道西游尔許難。萬峰高下渡桑乾。亂鴉
雪緊荒城暮。叢廡天低斷角寒。燕市莫尋
當日伴。并州且作故鄉音。到時尺素煩

寄及與梅花報歲闌

擬王泉山大閱二十韻

地闢丹稜。泮天開裂。鼎湖連兩環。北極列
曜拱中樞。鞞驛銷氛氣。風雲蓄虞護。不
忘神武略。獨握帝王符。吉日將差馬。先期
已祭龜。桓桓齊步伐。肅肅選車徒。野曠金
鉦轉。沙平玉帳鋪。一人躬韎韐。九校勇
馳驅。鸞鶴知兵法。龍蛇入陣圖。雪光明細

練寒律勁。雕弧憶昨。三犁候。親征萬里。
 逾行間走英。衛磨下拔孫吳。捷仗聲靈在。
 鞞鈴將相。供詩人。賚虎拜。士氣動山呼。振
 旅時方。眼回。鑿日未曉。殊威宣。逃土同
 軌。垣經涂。典禮因時。舉機槍掃。跡無武功。
 雖再續文德。以置敷用。邊昭無外。周防戒
 不虞。煌煌太平業。磐石華。皇都。敘明大
 萬里三犁。提起。越覺神骨俱。道條
 長律解得此法。自無平直之患。

登蕪湖浮圖

落帽家山記幾巡。弟兄南北各傷神。茱萸
 明日重陽酒。五處登高各一人。自注時家
 次谷在粵

荆州在蕪德尹在黔
 惟韜荒家居故云

曹操疑塚

分香賣履獨傷神。歌吹聲中總帳陳。到底
 不知埋骨地。却教臺上望何人。或云發盡
 或云埋骨更在七十二塚之外。奸雄心
 事未易窺則也。此即以望西陵語調笑

之曹端應
亦齒冷

題蔡方麓修撰早朝圖

水晶簾捲月如鈎。侍史妝成盡下樓。比似
早朝還較早。不教君起看梳頭。

陳至言

字青厓浙江蕭山人康熙癸未進士官翰林院

著有青菴

集

春遊同吳六應辰張四星陳金大以
賓韓十三渙文暨家魏公兄登陸

烏山蘭若醉中慈上人索賦

湖光如練山如拳。青天倒削波心蓮。何年
飛下小蓬島。駮山不用秦王鞭。山前山後
桃花路。不上湖船那能渡。滿船載得踏春
人。荷帶荷錢春欲暮。茅庵誰結山之阿。青
竹江籬古薜蘿。徑穿曲磴飛紅雨。門對平
湖捲白波。白波捲不開。紅雨飛不定。湖風
忽起亂鴉啼。白雲流水瀉成鏡。座中韓生

忽大叫對花無酒花亦笑阿菱十二能操
舟隔湖買得射洪到射洪春酒醉百壺壁
上新詩值一掃慈山山人知不知人生行

樂湏及時

自注白香山
歌童名阿菱

北平送友人南歸

哀角嚴城起悲秋淚滿衣如何遊子恨偏
自送人歸霜落孤鞍急天高獨鴈飛賞心
零落盡朋舊日應稀

白杜鵑花

蜀魄何因冷不飛空山一片影霏微那湏
帶血依芳樹自可梳翎弄雪衣細雨春波
愁素女輕風明月泣湘妃江南寒食催花
候腸斷無聲莫喚歸

詠白丁香花

幾樹瑤花小院東分明素女傍簾櫳冷垂
串串玲瓏雪香送絲絲麗最風穩稱輕套

國朝詩集卷三
三
勻粉後細添薄髻洗妝中。最憐千結朝來
垢十二闌干玉一叢

喻成龍字武功奉天人官至刑部侍郎

嘗有塞上集。嘗有句云丈夫既捐軀豈能依骨肉又云立馬望黃河天青塞雲紫頗學少陵

聞笛

夢裏悠揚橫笛聲。高天露下共淒清。愁來
江漢人何處。望裏關山月倍明。萬里孤雲
隨絕漠。十年羸馬更長征。誰知一曲終

怨霜雪無端兩鬢生

曹寅字子清奉天人官江寧織造嘗有棟亭詩稿

歲暮遠為客

曉鐘寒無光。驢馬別親故。殘月墮楓林。荒
煙白山路。十年遊子懷。惜此歲華暮。載詠
無衣詩。何以蒙霜露。起手十字寫盡辭家之苦可與別賦並讀
讀洪昉思稗畦行卷感贈一首兼寄

趙秋谷宮贊

惆悵江關白髮生，斷雲零鷲各淒清。稱心
歲月荒唐過，垂老文章憂患成。禮法世難
拘，阮籍窮愁天欲厚。虞卿縱橫揮闔人，聞
世只此能消萬古情。

揆

叙

字愷功，滿洲人，官至都御史。

鷹坊歌

西郊天闊沙茫茫，高槐古柳溪風涼。地偏
寂寞少人住，但作甌脫供鷹坊。中有蒼青

最神俊，竦立毛骨森昂藏。金眸玉爪異凡
品，下視狡兔如跛牂。側眼似覺天地窄，常
思一舉摩空蒼鷹憶。昔遠代最珍貴，女直貢
獻交相望。搜求無狀，旋致禍兩國。轉眼悲
興亡，至今黑水留異種。雕籠競致來遐方，
五陵年少頗好事，愛玩豈惜千金償。嗟汝
生性特趨捷，隼鷲未許隨肩行。長絲羈繼
豈初意，歲月浸久成馴良。關山秋暮盛羽

獵南風倒捲塵沙狂翻身向空入霄漢快
若駿馬初脫鞵駕鸞潛飛離離避雲羅萬
里無遮防老奉勁翻奮搏擊風毛雨血齊
飛揚天生羽族亦有命飢雀叫噪非空倉
林邊野鶴骨立瘦度腹僅得分餘糧尔形
襤褸亦安用終朝凶食恒充腸人間生計
摠媿汝翻笑溪獺銜魚忙侏儒方朔異飢
飽萬物榮悴真何常况今飛啄本同類

弱吞啖堪嗟傷食鰕原不乏魚鮪捕蟬亦
復驚螳螂何當忘機效海客驅逐孟華也
奇祥羣飛眾動各適所丹山鸞鳳常遊翔
桐花搖落期不至老鴉攫肉紛路旁且隨
韓嫣逐金彈林風毛質看騰驤議論正大
江佳而筆力
亦自矯健

鈕 琇字五樵江南吳江人官邑宰著
臨野堂集。五樵博雅多聞
芝觥蹟一書能舉見聞異詞者折衷
之可以補正史之闕詩亦變風之遺

春草

不信繁華事已空，傷心南浦復濛濛。何年
陵寢斜陽外，幾處亭臺暮靄中。歷亂影連
流水碧，萋迷香襯落花紅。多情陌上雙蝴蝶，
猶是飛飛失故叢。

題方石居贈忍公用吳媿菴先生韻

方庭脩竹綠如圍，琴榻書牀識靜機。琴水
夜春供客飯，白雲秋製入山衣。落花逐曲

呼童掃斜日，林空放鶴歸。最喜遠公寬酒
戒，虎溪乘月叩禪扉。

于養志

字涵一，奉天人，官四川巡撫，著有讀易草西征集。

不寐

秋風吹白帝，枕上落江聲。小苑煙光薄，疎
簾月影清。三更羈客夢，萬里故鄉情。漸聽
荒雞動，驅車按部行。

起手杜陵家數

管

掄字青村，江南武進人，官師宗州知州，著有吹萬葦

匡廬歌

平明迎日上廬嶽春山滌翠清如濯攀蘿
直上三萬級側身蟠走如飛鶴雲鱗鱗花
冥冥劃然巨壘劈千丈瀉出萬派洪濤聲
耳目蕩漾不能主恍如坐我於滄瀛滄瀛
風雨不可測中有一人不知識回頭笑指
遊空濛導余絳節雙王童呼吸帝座隨清
風俯視一一金芙蓉白雲如綿滿空谷乘

此欲與天庭通拍肩笑問洪厓生口吹玉
笛銀河傾山中木葉蕭蕭響下界疑為鸞
鳳鳴裴旻授蕭史供飲白玉醴長觥傾倒
慎莫辭醉眠石上呼不起白猿蒼鳥莫相
猜前五百年曾住此空靈縹緲之氣疑結
而成自是君身有仙
骨

陶平尹

字詠仙在南昌陰
人貢生官教諭

早春閒興

東郊雨後景逾新。蠟屐尋芳踏軟塵。橋畔
杏花村店酒水邊。紅袖畫樓人。鷓鴣竟壘
頻穿幘。鸚鵡偷言巧弄春。陌上王孫何處
去。青青艸色送征輪。韋莊韋毅
風流斯在

舟中

烏衣翦剪柳珍珍。陌上誰家賦采蘋。我在
木蘭船裏住。夢魂依約到江南。

水仙花

澹蘭沉芷若為鄰。澹蕩疑生羅襪塵。昨夜
月明川上立。不知解珮贈何人。同是凌波
微步之義

而風神閒遠在
欲離欲即之問

張養重

字虞山。江南山陽人。張嘗有
句云。南樓楚雨三更遠。春水吳
江一夜生。王漁仲尚書賞之。初謁漁
洋時。即問此等好句。生平有幾。張退
謂人曰。生平快意句
不意王公一見道出

自困溪歷延平抵建寧雜詠

風吹博望槎。白浪滾江沙。纔走懸崖險。舟

穿亂石斜龍鍾垂澗竹。躑躅映山花野泊。
無人境前林起暮鴉。纔走懸崖險即所云
舟穿亂石斜即所云船落危灘無
正行也經過險境吐語自然暗合
不寐數嚴更危厓戍火明。聞鶻春淚滴防
虎夜心驚柀落高灘響。夏連懸密雨聲。山川
淒絕處魂斷劍州城。

汀州道中

左顧朝陽右贛州。新羅高據萬山頭。番岳

援地蟠。關隘烽火連天起。戍樓日夜鄉心
皆北向。古今汀水獨南流。可憐滿眼崎嶇
路。惟有清猿伴客愁。

沈受宏

字合臣江南太倉人歲貢生著
有白樓集。白樓先生孝友誠
慈在名場五十年終老不遇而中心
坦如所養可知也詩學親承梅村祭
酒指授故吐辭淵雅
無志微噍殺之音

九龍灘

我從建溪走千里。膽落魂銷百灘水。舟人

更說九龍灘絕險諸灘安足齒。嗟予漂泊
 何為哉。今日親到龍灘來。恰聞昨日七舟
 下。兩舟卻破尋尸骸。上灘猶比下灘好。人
 登崖岫且自休。長索條分衆挽舟。獨把裸
 篙付三老。一灘水懸一丈高。奔雷捲雪春
 怒濤。舟尾向大舟倒立還防巨石。旬相逼
 欲上不上力再著。號呼互應愁一錯。我傍
 山根多不行。峻嶒石罅難移脚。九龍九龍

路折盤盡日勞勞上幾灘。最有莫龍勢尤
 險。過此相慶方平安。嗚呼上灘人自苦。下
 灘水急誰能主。輕舟逐浪轉如飛。縱有賁
 獲勇何補清流之人水中生。自注閩中舟
子俱清流人
 弄舟慣與洪流爭。商旅乘舟漫僥倖。性命
 直比鴻毛輕。我意欲將山路闢。下屬安沙
 上鐵石。自注安沙鎮鐵石磯閉卻九龍不
 復行。往來免誤天涯客。史漢叙事全在生
動使千載下如親

其事如見其人六代下俱平坦矣
中寫上灘數語猶存史漢遺法

舟暮

不知所宿處暮色正氤氳路遠隨行賈村
稀傍戍軍江清波浸月山赤火烧雲同客
如鴻鴈天邊自作羣

憶母

貧是儒家事難安為老親遥憐負米客長
作倚閭人夜績孤燈暗朝梳白髮新生勇

亦何益只是累艱辛

從憶母中算出母
之憶子其言藹如

許九日閩歸

萬里歸家白髮新秋風重得飽鱸尊脫身
戎馬憐今日回首關山哭故人跌宕七言
才更健蕭條八口業長貧一杯同把松窓
酒坐看天遠戰伐塵

衢州書事

尚書昔日駐旌旄烽火危疆保障勞已見

降王歸斧鉞徒聞戰鬼逐弓刀山圍四野
寒雲逸水拍孤城夜雨高回首可憐離亂
處至今閭井半蓬蒿此詠李文襄事神氣完足絕似梅村

客曉

千里作遠客五更思故鄉寒鴉數聲起寤
外月如霜如出李青蓮手此種神妙何必界限古今

示內

莫歎貧家卒歲難北風曾過幾番寒明年

桃柳堂前樹還汝春光滿眼看如此處終身可畏

怨尤視牛衣對泣者身分遠過

送毛亦史入都

三月鶯花紫陌春曳裾何處逐風塵毛生
初作平原客莫便輕他十九人

蘇隄口號

六橋邊帶兩峰孤烟水茫茫舊宋都一向
鄂王墳上拜回頭不忍見西湖責高宗之溺於倫安

不欲復警也余舊有句云卻勝一片
薛安月同照龍沙五國城亦是此意

同錢太史泛舟東湖座有女郎湘煙

戲題

酒綠燈青夜語中家鄉同隔海雲東傷心

一種天涯客鄉是飛花我斷蓬我未成名君未嫁感

舊也此則暫時相遇而飛花斷蓬同傷
漂泊於無關合處生出關合一往情深

送春

客舍長安十丈塵閉門終日苦吟身

一草何曾見却道今朝是送春起陳因題
偏得此新

陸韜字亦新浙
江山陰人

白雲

白雲縷縷青山出雲自忙時山自閒唯在

野人忙不了朝朝洗視寫雲山以忙寫閒
如許措辭

純乎
天籟

方登嶧字景宗江南桐城人官
工部主事著述古堂詩

秦女休行自往女報讐也

一尺髻三尺刀讐人頭在女腰渭水流華

山高血風腥天冥冥手提鬪體氣婦蝶法

更執之付以理女欲報讐先辦一死後來

又有麗娥親千古英雄在女子兩女子能復父讐惟

志堅而氣定也未高宗輩能毋媿死

盤中詩

木刻鳩紙剪馬飛山頭走山下露貫珠

為禱雲裁衣爛光輝是耶非孰辨之六月

桑吐蠶絲冬之蕙茁新枝爾所思非其時

素者髮丹者淚心惻惻老已至骨肉殘風

雨駛寸有長尺有短雙輪馳不可挽我所

急天所緩擊瓦鼓聲烏烏白雲滿天歌且

呼歌周四角旋中區初言似者之不能為真次言通時者之歸

於無用未言年命之速時不可挽而一付之悲歌也中間隱分五解

古詩

國朝詩集卷之三
三
勿。傲步兵。哭應比士龍。笑有時。笑亦哭。不
在音。與貌。鐘鼓可以哀。長歌可以吊。寸心
無營求。流泉淨泥淖。味淡聲亦希。淵然涵
衆妙。笑哭兩不關。天半發清嘯。

村北

野曠朝靄清。峰高日半規。遠風吹水氣。滄
林結幽姿。策蹇訪故人。村北路逶迤。碧陰
漾干皦。涼露沁心脾。刈麥走田父。婦子相
追隨。老翁欣得食。回頭顧其兒。大兒束麥
把小兒。抱豆枝歌笑。僭鄰叟。飲濯清湍。澗
留遲緩去路。寓目心情怡。田間有真樂。朝
市知者誰。

出西郊道過摩訶菴經前明宦寺墓

地

易代一杯土。累累葬宦官。餘威剩碑碣。沈
毒在衣冠。樹接宮雲密。鐘敲佛火殘。東京

喬固塚鬼哭北却寒

詠發直悲忠直佩侃稜稜詩不徒作

望南信不到

不見兒書至。應知下筆難。有心慰衰老。無計說平安。關塞寒雲重。門庭落葉殘。倘逢南鴈過。便當室家完。

霜遲樂

七月不落霜。小魁城邊麩子黃。八月霜不落。千天下田抱歡樂。官田刈穀載滿車。官

兵急公先完租。義帳牛車十日路。驅向城中易茶布。和茶煮穀布裁衣。卒歲不憂寒。與飢人人盡樂。霜遲好。蕎麥沙田收更早。但願年年不出兵。官兵皆作農夫老。

七兄以詩慰病和荅

形骸百鍊後。心事五更中。苦海終無岨。愁城豈易攻。道危迷老馬。邊遠失歸鴻。誰謂青天濶。深雲亦礙空。

紀事

爭看金甲健兒裝玉輦雲移下鳳皇城都
射魚麗開細柳將軍猿臂射長揚螿弧露
冷搖秋片蘇韜風高帶曉霜大閱 至尊
非好武良弓不為太平藏

濮

字澹軒浙
江桐鄉人

聞梁遠玉已寓京口

容易相逢尚未逢老年親故喜相從已辭

野店中山酒望斷煙江北固峰一夜夢遊
千里月五更霜落萬家鐘莫言人遠天涯
近書到樓頭第幾封中有
名句

贈方望子入黃山修煉

詩成當代說方干何事辭家久不還夢裏
湯泉非故國眼前雲海是名山花深古竈
憑燒藥月冷啼猿為守關只是白頭慈母
在不教容易別人間入山脩煉非儒者事
况有慈親在即送之

國朝詩別裁集卷二十

四

即又招之得贈
人以言之體

國朝詩別裁集卷二十終

